

3-395

世界和戰史要

Chang yan shu.



陸軍訓練總監審定准作參攷書

世界和戰史要

序

夫讀書貴夫得間此學者之至言也蓋一事之蹟其呈於吾人眼簾者爲狀至紛自非條析簡明未易驟辨而於是紛然之現狀中整列其狀況並遠溯其所以致此之原因與夫窮究其以此獲得之結果無論昧者將不可能卽明者亦大費博考之力今而有此指導之明星焉其裨益於研學之功力爲何如哉吾友瞿君湘蘅編譯世界和戰史要吾知其導學者察事之識力節讀書之紛勞爲不尠矣抑更有進者世界之恒態不過和平與戰爭互爲因果關聯遞嬗之形相而已戰爭實又孕育於和平之時和平亦實解決於戰爭之頃是故

研究世態之學者當於戰爭與和平並究之不當偏於一方面之研究故此書不僅爲研究戰爭已也凡軍事政治經濟宗教皆有其各別之關係學者於此可以探世態遞嬗之真相矣丹徒楊卓序

緒言

史乘浩繁。門類尤夥。以時代疆域析之。則有一國史。有萬國史。有一代史。有歷代史。以事實分類言之。則有政治史。有外交史。有戰史。有文明史。有教育史。有哲學史。有文學史。有種族史。有宗教史。有商工業史。有經濟史。有風俗史。推而至於其極。至有就一地一時一事一物。窮原竟委。縷縷敷陳。輯成一史者。史之浩瀚。既如此矣。卽同一時代。同一事實之紀載。亦復說出多歧。詳略互見。讀者乃每病其複雜而莫知所宗。夫史之爲用。舉治亂興廢之跡。利害得失之林。昭示來茲。庶足以鑑往而知來耳。顧門類如此浩繁。家數如是複雜。讀者將窮年矻矻。審慎擇定之不暇。又何以裨益于讀者乎。矧吾人居恆讀書。每見有援引某一事例。某一史蹟爲其論據者。欲求論據之真。卽須窮探此事例。此史蹟之原委。欲窮此原委。則當博稽往史而後能。迨已疲精弊神。旁搜博考。而於其論

據仍無若何補助。此又讀書者所共苦也。不甯惟是。今日歐洲大戰。幾捲全球。入此狂風怒濤之中。此役之結果。舉全球之土地、經濟、政治、外交、軍事、文學、哲學。以至宗教種族之勢力。無一不將大事變更。而所以釀成如此掀天動地之戰役者。又實歷史上諸戰役。促進世界之土地、經濟、政治、外交、軍事、文學、哲學、商工業。以至宗教種族諸勢力等之變化。有以使然。學者咸以發育萬物之春雷喻戰爭。良有以也。然則戰爭固構成種種歷史之骨幹。而在今日固尤以研求諸戰役之史跡爲要圖矣。顧國際間之戰爭。以外交破裂啓其端。而戰爭則以談判媾和結其局。一和一戰之間。國際間之關係。由是而定。故撮舉古今諸大戰役之原因事實與其結果。爲一小冊。以爲研究此學者之一助云爾。四年九月壽祺識於北京。

例言

一、此史要體裁論斷概仿日人時野谷常三郎所著戰爭與媾和之歷史而事實亦多取材此本又增入北美合衆國獨立戰役一節及東亞方面之戰爭一章此外則取材於日人瀨川秀雄所著西洋通史日人有賀長雄之近世外交史最近三十年外交史劉彥氏著之中國近時外交史暨屯廬主人著之五千年交涉史姚漢章張相兩氏所譯之清朝全史及各戰役之戰史


二、我國至明清之際始與世界大通故東洋方面之和戰始自鴉片戰爭又如南北美之戰則純屬內亂故亦從闕

三、紀年概從西歷以普及也關於我國之戰則以雙行兼紀我國年號

例言

二

四、外國地名人名概按新學會社出版之外國地名人辭典



世界和戰史要目錄

(頁數)

第一章	戰爭與媾和之性質	一
第二章	自古至於近古之戰爭與媾和	七
第一節	波斯戰爭	七
第二節	亞歷山大之東征	九
第三節	波伊尼戰役	十
第四節	十字軍	二
第五節	百年戰爭	四
第六節	無敵艦隊	六
第七節	三十年戰役	八

第八節	西班牙王位繼承戰役	二一
第九節	北方戰役	二二
第十節	奧大利王位繼承戰役及七年戰役	二四
第十一節	北美合衆國獨立戰役	二九
第三章	拿破崙大帝時代之戰爭與媾和	三三
第一節	第一同盟戰(法奧第一役)	三三
第二節	第二同盟戰(法奧第二役)	三五
第三節	拿破崙之霸業及第三同盟戰	三八
第四節	法普之役	四十
第五節	法俄之役及第四同盟戰	四一

第六節 維也納會議

四五

第四章 克利米戰役與媾和

四九

第一節 俄羅斯南下之由來

四九

第二節 拿破崙第三之崛起

五一

第三節 克利米戰爭

五二

第四節 巴黎和議

五五

第五章 意大利統一戰役與媾和

五六

第一節 撒丁之雄圖

五六

第二節 統一戰爭

五九

第三節 非拉法郎加和約

六一

第六章	普奧戰役與媾和	六三
第一節	普魯士之雄圖	六三
第二節	普奧戰役之起因	六五
第三節	普奧戰爭	六七
第四節	巴拉克之和議	六九
第七章	德法戰役與媾和	七一
第一節	德法戰役之原因	七一
第二節	德法戰爭	七五
第三節	佛朗渡之和議	七七
第八章	俄土戰役與媾和	七八

第一節	亞歷山大第二之雄圖	七八
第二節	巴爾幹之紛亂與俄人之活動	七九
第三節	普利那之激戰	八三
第四節	什卜卡嶺之戰	八五
第五節	普利那之攻陷	八六
第六節	斯答夫諾之和議	八九
第七節	柏林公會	九五
第九章	東亞方面之戰爭與媾和	一〇三
第一節	歐風東漸	一〇三
第二節	中英鴉片戰爭	一〇七

第三節	英法聯軍戰爭	一〇九
第四節	中法戰爭	一一四
第五節	中日戰爭	一二七
第六節	俄日戰爭	一二一
第十章	巴爾幹戰役與媾和	一二五
第一節	巴爾幹第一役	一二五
第二節	巴爾幹第二役	一三二

世界和戰史要

湘陰瞿壽禔編譯

第一章 戰爭與媾和之性質

衆生擾擾、日在優勝劣敗之競爭漩渦中、無此競爭、國民之間、必無進步、無進步、卽不能發達、而人生將不過如死灰槁木、以毫無意識之生活而終矣、然則人生之競爭、誠屬不可得已、亦無庸遏止之者也、優勝劣敗之競爭、既存于國民之間、則戰爭勢非可避者、弭兵一說、不過平和派之一理想耳。

戰爭在國際間、常爲求達某種目的之政治上手段、德將格魯塞威止曰、戰爭實用某種手段之政治上繼續行爲、誠不刊之定論也、夷考戰爭之所由生、或起因于精神上之問題、或發源于經濟上之衝突、要皆具有政治（政略）關

係前者謂因宗教問題感情問題等之動機發生決死奮鬥之行爲，後者則由工商業之競爭、殖民計畫之衝突等發生經濟利害問題之激戰也。「十字軍」之起因原于宗教，而巴爾幹之「大斯拉夫」主義與「大日耳曼」主義互相爭執，則舉人種語言歷史等類約略相同之多數要素連成一團民族，對于其他一團民族而爭，實即起因于感情上之衝突也。「波伊尼」一作波乙尼腓尼基之殖民者加爾達額人之通稱也戰役雖爲羅馬與加爾達額兩國之存亡劇戰，然其主因原于經濟，七年戰役中英法之殖民戰亦由經濟上殖民計畫之衝突而起，又有同一戰爭并具精神方面與經濟方面兩原因者。「十字軍」雖起因于精神方面，其經濟上之關係亦多，巴爾幹戰役中二大主義之爭亦不僅起因于感情上之衝突，而雜有宗教與經濟之關係焉。

戰爭一般之性質。必以釀成紛爭之政治上關係決定之。而政治對於戰爭實行。常有至大關係。蓋政治上爭點。經濟上利害之大小及其性質。對於兵力之使用及戰爭之程度。影響極大也。「波伊尼」戰爭。其主因為爭奪地中海之占有權。以經濟方面為主而關於羅馬與加爾達額二大勢力之存亡興廢。因而戰亂彌久。窮慘極毒。無所不至。遂以加爾達額慘亡而終。「日俄戰爭」兩國雖皆無完全征服其敵國之絕大希圖。然在當時之日本。實舉全國存亡之運命。付諸一戰。其政治上及國民與國家將來之事業。一視此戰之結果如何。因而全國國民。競竭全力以赴之。俄國方面。則不過爲一小部分之目的而爭執。謀于東洋占有優先權。獲一不凍港。庶能于東方海上。出入自由耳。故此役在俄國實無國民戰爭之性質。其陸軍部內。常取反對政府之方針。蓋爲其內政上某種目